



## **ORDE POLA QUE SE APROBA O PLAN ANUAL DE ACTUACIÓN DO INSTITUTO GALEGO DE ESTATÍSTICA PARA 2025**

O Decreto 60/2016, do 26 de maio, polo que se aproba o Estatuto do organismo autónomo Instituto Galego de Estatística (en adiante IGE), desenvolve as previsións da Lei 16/2010, do 17 de decembro, de organización e funcionamento da Administración xeral e do sector público autonómico (en adiante LOFAXGA), en coherencia coa Lei 9/1988, do 19 de xullo, de estatística de Galicia (en adiante LEG) e co resto da normativa específica da Comunidade Autónoma na materia.

Segundo se ordena na LOFAXGA, os organismos autónomos desenvolverán a súa actividade consonte un Plan anual de actuación (en adiante PAA), que será aprobado por orde da consellería de adscrición. En aplicación da LEG e do Decreto 49/2024, do 22 de abril, polo que se fixa a estrutura orgánica das consellerías da Xunta de Galicia, o IGE está adscrito á Consellería de Facenda e Administración Pública.

As tarefas encomendadas ao IGE no PAA sumaranse ás que se lle asignen no decreto polo que se aproba o Programa estatístico anual (en adiante PEA) da Comunidade Autónoma para o mesmo ano, tal e como se prevé no artigo 9 da LEG.

O Consello Galego de Estatística, creado no artigo 45 da LEG como órgano superior consultivo da actividade estatística, e o Consello Reitor, previsto no artigo 63 da LOFAXGA como órgano superior de goberno do IGE, aprobarán os resultados da actividade anual do IGE, dentro dos seus respectivos ámbitos competenciais.

En canto aos recursos asignados para conseguir os obxectivos previstos, correspóndelle ao Consello Reitor aprobar o anteproxecto de orzamentos e a proposta de relación de postos de traballo do IGE.

Con base en todo o anterior,

### **DISPOÑO**

#### **Artigo 1. Natureza xurídica e adscrición**

O IGE é un organismo autónomo adscrito á Consellería de Facenda e Administración Pública, creado na LEG e cuxo estatuto foi aprobado por Decreto 60/2016, do 26 de maio. O artigo 39 de LEG recolle as súas funcións como órgano que dirixe e coordina a actividade estatística no ámbito competencial da Comunidade Autónoma.

Para cumprir estas funcións, que se concretarán nos plans plurianuais e nos programas estatísticos anuais establecidos nos artigos 6 ao 13 da LEG, cómpre dotar ao IGE dos recursos materiais e humanos necesarios e desenvolver unha serie de actuacións complementarias e de apoio das propiamente estatísticas. Ditas actuacións recóllense nos PAA previstos na LOFAXGA e no Estatuto do IGE.



## **Artigo 2. Obxecto**

A presente orde ten por obxecto aprobar o PAA do IGE de 2025, mediante o establecemento das actuacións a desenvolver para apoiar e complementar ás que se lle encomendan no PEA 2025.

## **Artigo 3. Vixencia**

O PAA 2025 estará vixente desde a data na que se dita esta orde ata o 31 de decembro de 2025. De ser o caso, prorrogarase de forma tácita ata a aprobación e entrada en vigor do seguinte.

## **Artigo 4. Obxectivos**

### **I. Obxectivo estratéxico**

O obxectivo estratéxico do PAA é de natureza instrumental, para facilitar o funcionamento do IGE como órgano central do sistema estatístico de Galicia e contribuír á consecución dos obxectivos contemplados no PEA do mesmo ano.

### **II. Obxectivos operativos**

O obxectivo estratéxico concrétase nos seguintes operativos orientados a:

1. Facilitar a coordinación do sistema estatístico galego (nivel alto)
2. Mellorar a difusión, comunicación e atención ás persoas usuarias (nivel medio)
3. Contribuír á formación e divulgación de coñecemento estatístico (nivel baixo)
4. Apoiar estatisticamente o deseño e avaliación de políticas públicas (nivel medio)
5. Modelizar os sistemas sociodemográfico, económico e do medio (nivel alto)
6. Reforzar a organización do sistema estatístico e a colaboración con outros órganos e entidades do sector público (nivel medio)

### **III. Actividades**

O IGE, como soporte e complemento das actuacións estatísticas que se lle encomendan no PEA, realizará no 2025 as seguintes, agrupadas nos obxectivos operativos a satisfacer:

1. Facilitar a coordinación do sistema estatístico galego
  - Prácticas previstas na resolución de 5 de xullo de 2023, pola que se convoca o proceso selectivo de ingreso na escala superior de estatística.
  - Promover acordos coas consellerías para ampliar as bases de datos sociodemográfica e empresarial.
2. Mellorar a difusión, comunicación e atención ás persoas usuarias
  - Participación en congresos e xornadas.
  - Xestión de fondos da biblioteca do IGE.



3. Contribuír á formación e divulgación de coñecemento estatístico
  - Cursos impartidos na Escola Galega de Administración Pública.
  - Colaboración coa Sociedade Galega para a Promoción da Estatística e da Investigación de Operacións no XV Concurso incubadora de sondaxes e experimentos.
  - Participación na XVIII Feira matemática da Asociación Galega de Profesores de Educación Matemática.
  - Prácticas de estudantes das universidades galegas.
  - Xornadas de portas abertas.
  
5. Modelizar os sistemas sociodemográfico, económico e do medio
  - Microsimulación de impactos no IRPF.
  - Informe sobre a posición cíclica da economía galega.
  - Participación nas actividades desenvolvidas polo grupo de usuarios do QUEST da DG ECFIN.
  - Informe semestral sobre o impacto dos fondos europeos na economía galega utilizando o QUEST3RD.
  
6. Reforzar a organización do sistema estatístico e a colaboración con outros órganos e entidades do sector público
  - Oferta de emprego público 2022. Convocatorio do proceso selectivo para o ingreso na escala técnica de estatística.
  - Apoio á Axencia Tributaria de Galicia na valoración de bens inmobles para a orde de valoración de bens dalgúns tributos.
  - Participación na estimación da recadación das principais figuras tributarias da Comunidade Autónoma.
  - Informe de impacto de xénero dos orzamentos xerais da Comunidade Autónoma.
  - Colaboración no informe económico-financeiro dos orzamentos xerais da Comunidade Autónoma.
  - Informe para a AIREF coas previsións macroeconómicas por incluír nos orzamentos xerais da Comunidade Autónoma.
  - Axencias de Rating: exposición da situación da economía galega e perspectivas.
  - Apio á avaliación dos programas operativos 2014-2020.
  - Analizar os potenciais aproveitamentos estatísticos do Rexistro de axudas, subvencións e convenios, en colaboración coa Intervención Xeral da Comunidade Autónoma.
  - Colaboración co Observatorio Galego de Dinamización Demográfica para revisar as estimacións sobre o custo da crianza.
  - Participación do IGE en observatorios, comisións, consellos e outros órganos.



### Artigo 5. Indicadores

Para seguir os obxectivos e resultados do PAA 2025, o Consello Reitor, por proposta da Dirección do IGE, aprobará un informe xeral anual das actuacións desenvolvidas nese marco, valorando os resultados obtidos e sinalando as deficiencias observadas.

Ademais de dar conta perante o Consello Reitor de cada actuación do PAA 2025, elaborárase un indicador global sobre a súa execución. A este indicador, dado o carácter instrumental do PAA, sumaranse os de seguimento do PEA 2025, que se recollen nun informe aprobado polo Consello Galego de Estatística. Os resultados do PAA 2025 mediranse entón cos seguintes indicadores:

INDICADOR	Valor por acadar no 2025
Grao de execución das actuacións do PAA	80%
Grao de execución das estatísticas do IGE no PEA	95%
Puntualidade na difusión das estatísticas do IGE no PEA	90%
Oportunidade na difusión das estatísticas do IGE no PEA (meses)	12

### Artigo 6. Recursos orzamentarios

Para realizar as actuacións do PAA e as que se lle encomendan no PEA, o IGE contará cos recursos previstos nos orzamentos xerais da Comunidade Autónoma. Nos de 2025 figuran os seguintes:

INSTITUTO GALEGO DE ESTATÍSTICA	Orzamento 2025 (€)
1. Gastos de persoal	3.688.612
2. Gastos en bens correntes e servizos	409.396
Total gastos corrientes	4.098.008
6. Investimentos reais	1.376.000
Total gastos de capital	1.376.000
Total	5.474.008

### Artigo 7. Recursos persoais

No desenvolvemento da estrutura organizativa do IGE, regulada na sección III do capítulo II do anexo do seu Estatuto, na súa relación de postos de traballo, publicada como Resolución do 12 de maio de 2017 (DOG nº 97, do 23 de maio) e modificada por Resolución do 23 de setembro de 2022 (DOG nº 189, do 4 de



outubro) e Resolución do 27 de abril de 2023 (DOG nº 87, do 8 de maio), figuran 64 prazas:

INSTITUTO GALEGO DE ESTATÍSTICA	nº prazas	nivel
Secretaría xeral	1	30
Subdirección	2	30
Xefatura de servizo	11	28
Xefatura de sección	19	25
Técnico/a facultativo/a superior	1	22
Posto base subgrupo A1	10	20
Programador/a	1	20
Técnico/a facultativo/a medio/a	2	18
Xefatura de negociado	4	18
Secretario/a dirección	1	18
Operador/a de ordenador	2	18
Subalterno/a	1	10
Titulado/a superior	1	grupo I
Enquisador/a	8	grupo III
Total	64	-

Santiago de Compostela, 27 de decembro de 2024  
Miguel Corgos López-Prado  
Conseleiro de Facenda e Administración Pública



